

MPN/plc

**ACTA DA SESIÓN ORDINARIA DA COMISIÓN INFORMATIVA DE COOPERACIÓN
LOCAL, TRANSFRONTEIRIZA E DE COORDINACIÓN DAS EMERXENCIAS
PROVINCIAIS DO DÍA 21/04/2025**

ASISTENTES

PRESIDENTA: D.^a María Pilar Ramallo Vázquez

VOGAIS: D. Roberto José Álvarez Carrero

D.^a Luisa María Sánchez Méndez

D. Rafael Domínguez Artime

D. Marcos Guisasola Padín en substitución de D. Jorge Cubela López

D. Jesús Vázquez Almuíña

D. Ricardo Martínez Chantada

D. Manuel Alejandro Lorenzo Alonso

D.^a María Nava Castro Domínguez

D.^a Nuria Rodríguez Rodríguez

D. Gorka Gómez Díaz

D.^a Digna Rosa Rivas Gómez

D. Paco Ferreira González

D. Gregorio Luis Agís Gómez

D. Javier Iglesias Mougán

D. Xosé Cesáreo Mosquera Lorenzo

D.^a Beatriz Lomba Rodríguez

Sendo as dez horas e trinta e cinco minutos do día vinte e un de abril do ano dous mil vinte e cinco, reúnense no Pazo Provincial os Sres./as. Deputados/as arriba relacionados, en sesión ordinaria, e baixo a Presidencia de D.^a María Ramallo Vázquez. Actúa como secretaria a xefa do Servizo de Cooperación, D.^a Marina Piñeiro Novo.

Aberta a sesión pola presidenta, pásase ao estudo dos asuntos incluídos na Orde do Día, sobre os que recaeron os seguintes ditames:

1. Aprobación da acta da sesión anterior

Apróbase a acta da sesión anterior (CSV: APB63V23DD7641E5), correspondente á sesión ordinaria celebrada o vinte e un de marzo do ano dous mil vinte e cinco por unanimidade.



2. Ditaminar a aprobación da modificación das bases reguladoras do plan de obras e servizos (Plan + Provincia) 2025 (Expte. 2024082825)

De conformidade co establecido nos artigos 123 e 126 do R.D. 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, someteuse ao Ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo antes da súa elevación ao Pleno:

“APROBACIÓN DA MODIFICACIÓN DAS BASES REGULADORAS DO PLAN DE OBRAS E SERVICIOS (PLAN + PROVINCIA) 2025 (Expte. 2024082825)

ANTECEDENTES:

PRIMEIRO. O Pleno da Corporación Provincial na súa sesión ordinaria do 27 de decembro de 2024, mediante acordo núm. 3.8316, aprobou as bases reguladoras do Plan de Obras e Servizos de competencia municipal (Plan + Provincia)2025, cuxo texto completo pode consultarse no BOPPO núm. 1, de 02 de xaneiro de 2025, e na Base de Datos Nacional de Subvencións.

SEGUNDO. O Plan estrutúrase en tres liñas, correspondendo á liña 1 liña a canalización de subvencións con destino ao financiamento de investimentos de competencia municipal en obras, subministracións, bens inmoables e propiedades inmateriais que inciden directamente na prestación dos servizos enumerados nos artigos 25 e 26 da LRBRL.

Así mesmo, a fin de facilitar a planificación municipal e a consolidación de liñas de traballo xa iniciadas, o Plan + Provincia 2025 introduce a posibilidade de financiar investimentos de carácter plurianual, entendidos como aqueles que estenden os seus efectos a exercicios posteriores a aquel no que se autorizan e comprometen. Trátase de investimentos de gran relevancia, estratéxicos e transformadores que contribúen á prestación de servizos públicos de calidade e á modernización do termo municipal.

TERCEIRO: Non obstante, as limitacións orzamentarias dos Concellos e a magnitude económica dos investimentos para os que se está a solicitar financiamento, obrigan a introducir unha nova apreciación nas bases reguladoras a fin de que tamén se permita financiar investimentos que, sen ser de carácter



plurianual, a súa execución e/ou financiamento se realice en máis dun exercicio e os fondos do Plan +Provincia non constitúen a súa principal fonte de financiamento.

FUNDAMENTOS XURÍDICOS

Consideracións xurídicas

PRIMEIRO: As novas medidas adoptadas no marco do Plan + Provincia 2025, permiten aos Concellos solicitar subvencións para financiar investimentos de relevancia estratéxica e de gran envergadura económica que contribúen á prestación de servizos esenciais á veciñanza, ao desenvolvemento económico e social e á transformación do termo municipal.

SEGUNDO: Neste sentido, o artigo 31 da Lei 7/1985, de 2 de abril, reguladora das bases de réxime local, establece que son fins propios e específicos da provincia garantir os principios de solidariedade e equilibrio intermunicipais, no marco da política económica económica e social e, en particular, asegurar a prestación integral e adecuada na totalidade do territorio provincial dos servizos de competencia municipal. A súa vez o artigo 36.1.b) e d) establece que lle corresponde á Deputación a asistencia e cooperación xurídica, económica e técnica aos Concellos, así como a cooperación no fomento do desenvolvemento económico e social e na planificación do territorio provincial, de acordo coas competencias das demais Administracións Públicas neste ámbito.

TERCEIRO: Con fundamento no citado anteriormente, propónse unha modificación das bases reguladoras Plan + Provincia 2025, a fin de que tamén poidan ter cabida no Plan aqueles investimentos que, sen ter carácter plurianual, se executen e/ou financien en máis dun exercicio e as subvencións outorgadas a través do Plan + Provincia 2025 non constitúen a súa fonte principal de financiamento, dado que estes investimentos atópanse maioritariamente financiados por convenios, plans ou programas da propia Deputación ou de outras Administracións Públicas, de modo os fondos do Plan + Provincia destínanse ao financiamento da achega municipal a eses investimentos.

CUARTO: A modificación que se propón non supón unha exención non permitida polas leis nin ocasiona prexuízo dos dereitos de terceiros. Constitúe unha medida eficaz que permitirá aos Concellos obter financiamento en función da execución e/ou financiamento do investimento e a Deputación cumprir cos obxectivos do



Plan, entre eles, avanzar na cohesión do territorio provincial minorando os desequilibrios territoriais.

QUINTO: En virtude do reparto de competencias recollido no artigo 33 da Lei 7/1985, de 2 de abril, reguladora das bases de réxime local e nas bases específicas de execución do orzamento provincial, a competencia para aprobar a modificación das bases reguladoras correspóndelle ao Pleno.

Á vista dos antecedentes e consideracións expostas, con base na documentación relativa ao citado plan que obra no expediente, á vista do informe da xefa do Servizo de Cooperación, do 09 de abril de 2025 (CSV: 0IGG5H3YRTVRPS62) e da dilixencia de conformidade da Intervención provincial, do 10 de abril de 2025 (CSV: N97AYB9K8E37606Q), sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- Aprobar a modificación das bases reguladoras do Plan + Provincia 2025 do modo seguinte:

PRIMEIRO: Dáse unha nova redacción ao parágrafo cuarto da base primeira, que queda redactado tal e como segue:

(...) Así mesmo, tamén se poderán incluír no Plan + Provincia 2025, e sucesivos, investimentos estratéxicos de carácter plurianual e investimentos, que sen ter carácter plurianual, a súa execución e/ou financiamento se realice en máis dun exercicio e os fondos do Plan + Provincia non constitúen a súa principal fonte de financiamento por estaren maioritariamente subvencionados por plans ou convenios da propia Deputación ou doutras Administracións Públicas.

Así pois, con cargo aos fondos do Plan + Provincia de cada exercicio (ou do plan que o substitúa nun futuro) poderíase financiar a anualidade de execución e/ou financiamento que corresponda ao devandito exercicio. É dicir, co Plan + Provincia 2025 poderíase financiar a anualidade de execución e/ou financiamento correspondente ao ano 2025 e con Plan + Provincia 2026 poderíase financiar a anualidade de execución e/ou financiamento que corresponde ao ano 2026, e así sucesivamente, sen exceder, no caso dos investimentos plurianuais, o límite temporal establecido no artigo 174.3 do Real Decreto Legislativo 2/2004, de 5 de marzo, polo que se aproba o Texto Refundido da Lei Reguladoras das Facendas



Locais (TRLRFL) e no caso dos investimentos, que sen ter carácter plurianual, a súa execución e/ou financiamento se realice en máis dun exercicio e o fondos do Plan + Provincia non constitúen a súa principal fonte de financiamento, o prazo de execución e/ou financiamento que se contemple na norma reguladora da subvención ou no convenio.

SEGUNDO: O parágrafo oito da base primeira que redactado como segue:

(...) As subvencións deste plan poderanse destinar ás seguintes liñas, nos termos que se recollen nas disposicións específicas de cada unha delas.

- Liña 1: Investimentos, incluídos os de carácter plurianual e aqueles, que sen ter carácter plurianual, a súa execución e/ou financiamento se realice en máis dun exercicio e os fondos do Plan + Provincia non constitúen a súa principal fonte de financiamento.

TERCEIRO: Dáse unha nova redacción ao punto 2º da base décimo novena, que queda tal e como segue:

(...)

2º Que os fondos do Plan + Provincia 2025 non sexan a fonte principal de financiamento do investimento de carácter plurianual ou do investimento que, sen ter carácter plurianual, a súa execución e/ou financiamento se realice en máis dun exercicio.

No caso de investimentos de carácter plurianual, incluída a compra de bens inmoables, ou de investimentos, que sen ter carácter plurianual, a súa execución e/ou financiamento se realice en máis dun exercicio, e, en ambos casos, a fonte principal de financiamento son as subvencións concedidas pola Deputación a través doutros plans ou os fondos doutras Administracións Públicas e o crédito do Plan + Provincia é empregado polo Concello para financiar a súa achega, non será preciso cumprir as normas previstas no punto 1º no relativo aos importes do investimento, subvencións solicitadas e desagregación dos proxectos de obra en unidades e orzamentos por anualidades.

CUARTO: Engádese un último parágrafo á base trixésima

No caso dos investimentos, que sen ter carácter plurianual, a súa execución e/ou financiamento se realice en máis dun exercicio e os fondos do Plan + Provincia non constitúen a súa principal fonte de financiamento, a baixa definitiva determinarase e aplicarase a cada exercicio proporcionalmente á porcentaxe de financiamento.



QUINTO: Engádese un parágrafo a base trixésimo primeira

No caso dos investimentos, que sen ter carácter plurianual, a súa execución e/ou financiamento se realice en máis dun exercicio e os fondos do Plan + Provincia non constitúen a súa principal fonte de financiamento, a baixa teórica determinarase e aplicarase a cada exercicio proporcionalmente á porcentaxe de financiamento.

SEXTO: Engádese un novo parágrafo á base trixésimo cuarta

A xustificación dos investimentos que, sen ter carácter plurianual, a súa execución e/ou financiamento se realice en máis dun exercicio e os fondos do Plan + Provincia non constitúen a súa principal fonte de financiamento, rexerase polas normas xerais dos investimentos en obras, sen prexuízo de que se poida requirir calquera documentación que resulte necesaria para verificar o gasto.

O pagamento da subvención realizarase en función da porcentaxe financiamento de cada exercicio.

- Ordenar a publicación deste acordo no Boletín Oficial da Provincia de Pontevedra (BOPPO) e na sede electrónica da Deputación de Pontevedra <http://sede.depo.gal>.”

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por maioría, cos votos a favor dos/as deputados/as do Grupo Provincial do PP (9), a abstención do Grupo Provincial do PSdeG-PSOE (6) e a abstención do Grupo Provincial do BNG (2).

3. Ditaminar a aprobación da modificación da base quinta reguladora do Plan Provincia Extraordinaria – Plan Extra (Expte. 2024062370)

De conformidade co establecido nos artigos 123 e 126 do R.D. 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ao Ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo con carácter previo á súa elevación ao Pleno:

“APROBACIÓN DA MODIFICACIÓN DA BASE QUINTA REGULADORA DO PLAN PROVINCIA EXTRAORDINARIA-PLAN EXTRA (Expte. 2024062370)

ANTECEDENTES:

Primeiro.- O Pleno da Corporación Provincial, na súa sesión extraordinaria do día 18/10/2024,



aprobou as “*Bases reguladoras e convocatoria do Plan Provincia Extraordinaria-Plan Extra*”, publicadas no BOPPO núm. 206, do 22 de outubro de 2024, co obxecto de regular a concesión, a execución e a xustificación das subvencións que se concedan con cargo a elas.

Segundo.- O Plan Extra nace co obxectivo de que os municipios dispoñan dun mecanismo de axuda innovador adaptado ás súas necesidades, con capacidade financeira suficiente e dotado de maior flexibilidade para permitirles afrontar os retos que a cidadanía demanda nos seus respectivos territorios locais e, por tanto, contribuír á potenciación do territorio provincial no seu conxunto e construír unha provincia máis forte e moderna, con máis servizos e de máis calidade.

As especiais demandas de investimentos que propoñen os concellos ao abeiro deste plan preténdense realizar adecuadamente e de maneira cohesionada en todo o territorio provincial. Sen embargo, a cohesión territorial pode verse afectada polas limitacións orzamentarias que constrinxen o marco de acción das administracións, polo que desde a Deputación pretendese facilitar ao concellos a cofinanciación, en aras de que non vexan comprometida a súa capacidade financeira prexudicando os seus intereses.

Terceiro.- Doutra parte, a envergadura dos investimentos e o proceso para obter as autorizacións necesarias para a execución das obras, xunto co feito de que os beneficiarios das axudas son os concellos de menos de 50.000 habitantes e, polo tanto, aqueles con maiores carencias en materia de xestión, fai que estean suxeitos a certas dificultades administrativas, sen esquecer que, en este tipo de investimentos, é inevitable que, durante a execución dos traballos, xurdan circunstancias sobrevidas e imprevisibles, polo que en moitas ocasións é imposible respectar o horizonte temporal previsto inicialmente nas bases.

Polo exposto, propónse unha modificación parcial das bases do Plan Extra, en concreto, da base Quinta, que leva por rúbrica *Financiamento e contía das subvencións*, co obxecto de que os Concellos poidan financiar a súa parte, nas anualidades 2025-2026.

FUNDAMENTOS XURÍDICOS

Consideracións xurídicas:

1.º- As medidas adoptadas no marco do Plan Extra pretenden que as administracións orienten a súa planificación de investimentos cara a fins de relevancia estratéxica, co fin de equilibrar a prestación dos servizos en todo o territorio e de acadar investimentos atractivos que contribúan a mellorar as dinámicas demográficas e sexan investimentos públicos operativos, eficientes e transformadores.

2.º- Segundo o disposto no artigo 31 da Lei 7/1985, de 2 de abril, reguladoras das bases de réxime local, son fins propios e específicos da Provincia garantir os principios de solidariedade e equilibrio intermunicipais, no marco da política económica e social, e, en particular, asegurar a prestación integral e adecuada na totalidade do territorio provincial dos servizos de competencia municipal.

3.º- En virtude do establecido no artigo 36.1.b) da Lei 7/1985, de 2 de abril, reguladoras das bases



de réxime local, correspóndelle á Deputación a asistencia e cooperación xurídica, económica e técnica aos Concellos, así como a cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito.

4.º- Proponse unha modificación parcial das bases reguladoras do Plan Extra, en concreto, da base Quinta, engadindo un novo parágrafo no que se contemple que os concellos, en atención a súa capacidade financeira, poderán financiar a súa parte nas anualidades 2025 -2026 con cargo ao Plan +Provincia da anualidade correspondente.

5.º- As bases do plan de obras e servizos “Plan +Provincia” anualidade 2025 unha vez se aprobe a correspondente modificación das bases.

6.º- A modificación proposta non constitúe unha dispensa nin unha exención non permitida polas leis nin ocasiona prexuízo dos dereitos de terceiros.

7.º- Dos antecedentes expostos, considérase acreditado o respecto aos principios establecidos no artigo 129.1 da Lei 39/2015, de 1 de outubro, do procedemento administrativo común das administracións públicas, en canto ao exercicio da súa potestade regulamentaria conforme aos principios de necesidade, eficacia, proporcionalidade, seguridade xurídica, transparencia e eficiencia.

A modificación supón unha medida eficaz e proporcional para afrontar con maior eficacia o cumprimento dos retos do Plan, é posible a súa integración de forma coherente no marco das bases inicialmente aprobadas, cumpre coa transparencia debida ao ter que publicarse a súa aprobación no boletín provincial e dota de eficiencia a un plan deseñado en circunstancias diferentes, en base ás razoables limitacións orzamentarias de cada momento.

8.º- Para a modificación das bases, de conformidade co disposto na base Segunda do Plan Extra, en virtude da disposición adicional oitava da Lei 38/2003, de 17 de novembro, xeral de subvencións, reixerá o establecido nas súas propias bases, sendo de aplicación supletoria o establecido na Lei xeral de subvencións, é dicir que en virtude do disposto na base Terceira será o Pleno o órgano competente para a súa aprobación, seguindo o mesmo criterio xurídico que para a súa aprobación inicial, debendo realizarse unha tramitación semellante en relación á necesidade de cumprimento de todos os requisitos de informes, procedemento administrativo e publicidade.

Competencia para resolver

Correspóndelle ao Pleno da Deputación, en virtude dos artigos 33 da Lei 7/1985, de 2 de abril, reguladora das bases do réxime local, e 70 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, por ser o órgano que aprobou as bases no seu día.

Á vista dos antecedentes e consideracións expostas, con base na documentación relativa ao citado plan que obra no expediente, á vista do informe da xefa do Servizo de Cooperación, do 08 de abril de 2025 (CSV: NYAEEJKWZ63MOK0T) e da dilixencia de conformidade da Intervención provincial, do



10 de abril de 2025 (CSV: MD64ILKO378EDA3K), sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- Que os concellos poidan financiar a súa parte nas anualidades 2025-2026

En consecuencia, propónse modificar a base Quinta do Plan Provincia Extraordinaria-Plan Extra engadindo un novo parágrafo que quedará redactado co seguinte teor literal:

“(…)

Os concellos, en atención a súa capacidade financeira, poderán financiar a súa parte nas anualidades 2025 -2026 con cargo ao Plan +Provincia da anualidade correspondente.”.

- Ordenar a publicación deste acordo no Boletín Oficial da Provincia de Pontevedra (BOPPO) e na sede electrónica da Deputación de Pontevedra <http://sede.depo.gal>.”

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por maioría, cos votos a favor dos/as deputados/as do Grupo Provincial do PP (9), a abstención do Grupo Provincial do PSdeG-PSOE (6) e a abstención do Grupo Provincial do BNG (2).

4. Ditaminar a aprobación do proxecto modificado da actuación “Proxecto Básico e de Execución de Reforma Integral. Edificios Sinde, Bloque 1” presentado polo concello da Guarda ao abeiro do programa PON2030 (Expte. 2023030701)

Sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, con carácter previo á súa elevación ante o Pleno para a súa aprobación:

“ASUNTO: APROBACIÓN DO PROXECTO TÉCNICO MODIFICADO DA ACTUACIÓN “PROXECTO BÁSICO E DE EXECUCIÓN DE REFORMA INTEGRAL. EDIFICIOS SINDE, BLOQUE 1” PRESENTADO POLO CONCELLO DA GUARDA AO ABEIRO DO PROGRAMA PON2030 (Expte. 2023030701)

ANTECEDENTES

- O Pleno da Corporación Provincial na súa sesión extraordinaria de 06/03/2023, mediante o acordo núm. 2.7960, aprobou as Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030, publicadas no Boletín Oficial da Provincia de Pontevedra (BOPPO) núm. 46, de 07/03/2023, modificadas polo Pleno provincial na súa sesión ordinaria de 29/09/2023, mediante o acordo



núm. 3.8051, publicadas no BOPPO núm. 191, de 03/10/2023.

- O Pleno da Corporación Provincial, na súa sesión extraordinaria urxente de 23/06/2023, mediante o acordo núm. 4.8011, concede unha subvención polo procedemento de concorrencia competitiva ao Concello da Guarda con destino á execución da actuación denominada “PROXECTO BÁSICO E DE EXECUCIÓN DE REFORMA INTEGRAL. EDIFICIOS SINDE, BLOQUE 1”, ao abeiro do Programa PON2030.

O custo total da actuación ascendía a 1.038.094,14€ e a subvención concedida a 709.738,81€, completándose o financiamento mediante unha achega municipal por importe de 328.355,33€.

- O 21/12/2023 asínase o correspondente convenio de colaboración entre a Deputación de Pontevedra e o Concello da Guarda, co fin de definir as actuacións obxecto de subvención e concretar de xeito pormenorizado as obrigas das partes. Na súa cláusula 6ª recóllese que, de xurdir a necesidade de modificar o proxecto, o Concello deberá redactar e xestionar administrativamente, de acordo co establecido na normativa de contratos, a modificación do proxecto, que deberá ser aprobada polo órgano competente do Concello. Tras a aprobación polo Concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención.
- Na data 31/07/2024 o Concello adxudica o contrato da obra por un importe de 932.519,97€, resultando unha baixa de adxudicación de 105.574,17 € (10,17 %).
- Na data 01/04/2025, o Concello da Guarda presenta no Rexistro da Deputación (núms. Rexistro WEB2025024224 e WEB2025024226) un proxecto modificado, un informe de supervisión do proxecto modificado, e un certificado da aprobación do proxecto modificado polo Pleno do Concello. Segundo os técnicos o modificado tramítase debido situacións sobrevividas no momento do inicio das obras, deficiencias do proxecto orixinal e melloras engadidas. A modificación do proxecto foi aprobada na sesión ordinaria celebrada polo Pleno do Concello de A Guarda o día 26 de marzo de 2025.

O novo orzamento de adxudicación (aplicando a porcentaxe de baixa) ascende a 1.017.178,71 €, resultando un incremento de 84.658,74 € (9,08%), que pode financiarse integramente contra a baixa de adxudicación (105.574,17 €).

- O técnico facultativo do Servizo de Cooperación emite informe de supervisión do proxecto na data 09/04/2025 (CSV: 6NU9UULYQ9EKFFQ8).
- Examinado o proxecto modificado pola Comisión de persoas expertas do Programa PON2030 na sesión de data 09/04/2025, conclúese que pódese continuar coa tramitación do expediente, tendo en conta que os cambios non afectan aos aspectos técnicos, aos obxectivos propostos da Axenda 2030, as políticas panca consideradas no proxecto orixinal, nin aos principios Ágora, manténdose a puntuación obtida na baremación de acordo aos criterios de valoración fixados nas bases da convocatoria.
- O día 09/04/2025 a xefa do Servizo de Cooperación informa favorablemente o expediente (CSV: NPROYJQC26L2RoNCZ).
- Na data 14/04/2025 o enxeñeiro de camiños, canais e portos adscrito a Intervención emite informe no que considera que os cambios introducidos no proxecto non modifican a puntuación obtida na baremación de acordo aos criterios de valoración fixados nas bases da convocatoria (CSV: GJSKK9MEVM4BA1ZC).



- O día 15/04/2025 a Intervención provincial informa favorablemente a proposta de aprobación do proxecto reformulado (CSV: MgLXB6gXLSEE2XNQ).
- Sométese, así mesmo, ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais.

FUNDAMENTOS DE DEREITO

Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento aprobado por Real Decreto 887/2006, de 21 de xullo (RLXS)
- Lei 9/2007, de 13 de xuño, de subvencións de Galicia (LSG), e o seu Regulamento aprobado por Decreto 11/2009, de 8 de xaneiro (RLSG)
- Lei 7/1985, de 2 de abril, reguladora das bases do réxime local (LRBRL)
- Lei 39/2015, de 1 de outubro, do procedemento administrativo común das administracións públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Real Decreto Lexislativo 2/2004, de 5 de marzo, polo que se aproba o Texto refundido da Lei reguladora das facendas locais (TRLRFL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30/12/2016 (OXSDPPO)
- Bases de execución do orzamento da Deputación para o vixente exercicio
- Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030
- Convenio de colaboración entre a Deputación e o Concello da Guarda para a execución da actuación denominada "Proxecto Básico e de Execución de Reforma Integral. Edificios Sinde, Bloque 1" ao abeiro do Programa PON2030.

Consideracións xurídicas

Instrución do expediente

- Base reguladora 7ª da convocatoria, pola que a instrución do procedemento correspóndelle á xefa do Servizo de Cooperación.

Petición e evacuación de informes

- Artigos 79 e 80 da LPACAP, sobre a petición e a evacuación de informes.
- Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.



- Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.
- Bases 47ª e 48ª de execución do vixente orzamento provincial, sobre o control e a fiscalización da xestión económica, que sinala a competencia da Intervención para realizar esta función.

Resolución do expediente

- Artigo 2 da LSG, en concordancia co artigo 2 da LXS, que na definición de subvención vincula a disposición dineraria entre outros requisitos, a que a entrega estea suxeita ao cumprimento dun determinado obxectivo, a execución dun proxecto, a realización dunha actividade, ou a adopción dun comportamento singular, xa realizados ou por desenvolver, debendo o beneficiario cumprir as obrigacións materiais e formais que se estableceran.
- Artigo 11.a) da LSG, en concordancia co artigo 14.1.a) da LXS, que establece como obriga do beneficiario cumprir o obxectivo ou executar o proxecto que fundamenta a concesión da subvención.
- Artigo 64 do RLXS que dispón que unha vez recaído un acordo ou resolución de concesión pódese solicitar unha modificación do seu contido, de acordo co disposto nas bases reguladoras da subvención, e sempre e cando non se prexudique dereitos de terceiros e se solicite antes de que conclúa o prazo para a realización da actividade.
- Artigo 16 da OXSDPPO, respecto da modificación da resolución de concesión, pola que salvo que nas bases reguladoras, resolución de aprobación da convocatoria ou de concesión se estableza o contrario, o beneficiario poderá solicitar a súa modificación, non debendo variarse o destino ou finalidade da subvención. En concorrencia competitiva a modificación só será posible no caso de que non altere a puntuación obtida pola persoa beneficiaria por aplicación dos criterios de concesión.
- Artigo 205 da LCSP, que recolle os supostos de modificacións non previstas nos pregos de cláusulas administrativas, así como os límites na alteración das súas contías.
- Artigo 242.4 da LCSP, polo que de considerarse necesaria unha modificación do proxecto procederase á súa redacción e aprobación polo órgano de contratación.
- Cláusula 6ª do Convenio, en concordancia coa Base reguladora 17ª da convocatoria, pola que, se durante a execución da obra xurdise a necesidade de modificar o proxecto, o Concello deberá redactar e xestionar administrativamente, de acordo co establecido na normativa de contratos, a dita modificación, que deberá ser aprobada polo órgano competente do Concello. Esta modificación non poderá supoñer unha minoración da puntuación acadada no proxecto inicialmente presentado. Tras a aprobación polo Concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención. As modificacións financiaranse co importe das baixas que se produzan no proceso de adxudicación dos contratos. O importe das baixas non aplicadas aplicarase proporcionalmente entre a Deputación e o Concello. No caso de non existir ou de ser o importe da modificación superior ao importe da baixa, financiarase coa achega do Concello ou coas doutros entes públicos.

Competencia para resolver

- Correspóndelle ao Pleno da Deputación, de acordo coa Base 16ª de execución dos orzamentos da Deputación para o vixente exercicio, e en virtude dos artigos 33 da LRBRL e 185 do TRLRFL.



CONCLUSIÓN

O proxecto modificado presentado polo Concello da Guarda para a execución da actuación denominada "Proxecto Básico e de Execución de Reforma Integral. Edificios Sinde, Bloque 1", no marco do Programa PON2030, non altera nin a finalidade nin o obxecto para o que se outorgou a axuda económica da Deputación.

O Concello tramitou o oportuno expediente motivado pola necesidade de dar resposta a imprevistos xurdidos durante a execución das obras.

O proxecto modificado incrementa o orzamento de adxudicación en 84.658,74 €, tendo en conta que existe unha baixa na adxudicación por importe de 105.574,17 €, o incremento pode financiarse coa dita baixa.

A Comisión de Persoas Expertas do Programa PON2030 pon de manifesto que os cambios introducidos non afectan á puntuación obtida no proceso de baremación de acordo aos criterios de valoración fixados nas bases da convocatoria.

O proxecto modificado preséntase antes de que remate o prazo de execución das obras acollidas no Programa PON2030 e co mesmo non se prexudican intereses de terceiros, nin se alteran as circunstancias que se tiveron en conta para a concesión da subvención. En consecuencia, non se prexudican os principios de igualdade, obxectividade e non discriminación que deben rexer os procedementos de concesión de subvencións, e en particular no sistema de concorrencia competitiva.

Por todo o exposto, e á vista dos antecedentes, fundamentos de dereito e conclusións sinaladas, sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- APROBAR o proxecto técnico modificado da actuación "Proxecto Básico e de Execución de Reforma Integral. Edificios Sinde, Bloque 1" presentado polo Concello da Guarda ao abeiro do Programa PON2030.
- DAR TRASLADO do presente acordo ao Concello da Guarda, a Intervención, ao Servizo de Cooperación e ao Gabinete de Presidencia.

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por unanimidade, cos votos a favor dos/as deputados/as do Grupo Provincial do PP (9), do Grupo Provincial do PSdeG-PSOE (6) e do Grupo Provincial do BNG (2).

5. Rogos e preguntas

Non houbo.



E non habendo máis asuntos que tratar, a Presidencia dá por finalizada a reunión, sendo as dez horas e corenta minutos, do que, como secretaria, dou fe.

Pontevedra, na data da sinatura electrónica

A secretaria da Comisión,

Marina Piñeiro Novo

